



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Historiæ Augustæ Scriptores VI

Ælius Spartianus. Vulc. Gallicanus. Julius Capitolinus. Trebell. Pollio. Ælius  
Lampridius. Flavius Vopiscus

**Spartianus, Aelius**

**Lugduni Batavorum, 1671**

De Saturnino, XXII.

[urn:nbn:de:hbz:466:1-51232](https://nbn-resolving.org/urn:nbn:de:hbz:466:1-51232)

non extat memoria rei frequentatæ. Quare scire oportet, ' Herennium Celsum vestrum parentem dum consulatum cupit, hoc quod desiderat, non licere. Fertur enim apud Memphim in aurea columna Ægyptiis literis scriptum, tunc demum Ægyptum liberam fore quum in eam venissent Romani fasces, & prætexta Romanorum : quod apud Proculum grammaticum doctissimum sui temporis virum, \* quum de peregrinis regionibus loquitur, invenitur.

DE SATURNINO, XXII.

SATURNINUS <sup>4</sup> optimus ducum Gallieni temporibus, sed à Valeriano dilectus fuit. Hic quoque quum <sup>6</sup> dissolutionem Gallieni pernoctantis in publico ferre non posset, & milites non exemplo imperatoris sui, sed suo regeret, ab exercitibus sumpsit imperium, vir prudentiæ singularis, gravitatis insignis, vitæ amabilis, <sup>6</sup> victoriarum barbararum etiam ubique notarum.

Hic

<sup>1</sup> Herennium Celsum, vestrum parentem, dum consulatum cupit, hoc quod desiderat non licere. ] Est hypallage: nam rectum erat, hoc quod non licet desiderare. Cum ait, vestrum parentem, compellat amicum illum suum cui hoc opus nuncupaverat. Sic in fine libelli de Valeriano: *semper enim me vobis dedidi.* vide infra in Zenobia & Censorino. parentem accipio notione illa nova, quam ante exposuimus, non illa veteri. Porro hic Herennius Celsus quo tempore hæc scribebantur, Augustalis erat Ægypti præfectus: sed eo honore non contentus, à Diocletiano impetrare conatus est, ut sibi absentis consilatus deferretur. quam postulationem iniquam esse, & contra observationem priorum temporum, obiter demonstrat hic Trebellius.

<sup>2</sup> Cum de peregrinis regionibus loquitur. ] Arbitror legendum, religionibus.

<sup>3</sup> Dissolutionem Gallieni pernoctantis in

publico f.] Confer cum extremis verbis libri de Gallienis.

<sup>6</sup> Victoriarum Barbararum etiam ubique notarum. ] Scripti Barbaris. placet Barbararum. nam victorias Barbaras appellat, partas de Barbaris: quas opponit civilibus.

SALMASIUS.

<sup>3</sup> DE SATURNINO. Saturninus optimus ducum. ] Scribe: SATURNINVS. Optimus ducum Gallieni temporibus.

<sup>6</sup> Victoriarum barbararum etiam ubique notarum. ] Scripti omnes, & nostri & Casauboni: *victoriarum barbaris etiam ubique notarum.* distinguendum puto: *victoriarum barbaris etiam, ubique notarum.* hoc est, victoriarum ubique notarum, etiam barbaris. an legendum est, *victoriarum de barbaris, etiam ubique notarum?*

GRUTERUS.

<sup>4</sup> Optimus ducum Gallieni temporibus, sed à Valeriano dilectus Saturninus fuit. ]

V 5

Sequa-

Hic ea die qua est amictus à militibus peplo imperatorio, concione habita dixisse fertur, *Commilitones, bonum ducem perdidistis, & malum principem fecistis*. Denique quum multa strenue in imperio fecisset, quod esset severior & gravior militibus, ab iisdem ipsis à quibus factus fuerat, interemptus est. Hujus insigne est quod convivio discumbere milites, ne inferiora denudarentur, cum sagis iussit, hyeme gravibus, æstate perlucidis.

## DE TETRICO SENIORE, XXIII.

<sup>24</sup> Interfecto Victorino & ejus filio, <sup>3</sup> mater ejus Victoria sive Victorina, Tetricum senatorem pop. Rom. <sup>4</sup> præsidatum in Gallia regentem, ad imperium hortata, quod ejus erat, ut plerique loquuntur, affinis, Augustum appellari fecit, filiumque ejus Cæsarem nuncupavit. Et quum multa Tetricus feliciter egisset, diuque imperasset, <sup>5</sup> ab Aureliano principe victus, <sup>6</sup> quum militum suorum impudentiam & proca-

cita-

Sequitur sum hunc ordinem verborum; quem præibat mihi Pal. vulgg. *Saturninus optimus ducum, &c.* meo iudicio minus recte. ortus autem error inde, quod illud *Saturninus* primo loco positum notaret numerum tyrannorum. Certe ita comparet in Palatino, & quidem minio insignitum.

<sup>6</sup> *Victorium barbaris etiam ubique notarum.*] Editi *barbarum*. sed malui alterum quod tuetur se fide Palatini, aliorumque mss.

## CASAVBONVS.

<sup>1</sup> *Commilitones, bonum ducem perdidistis, &c.*] Eadem vox cognominis alterius tyranni fuit, cui postea delatum similiter imperium. Vide Flavius Vopiscum in Saturnino.

<sup>2</sup> *Ne inferiora denudarentur, &c.*] Apparet poni solitas braccas cum discumberent: adhuc enim ea ætate

braccarum infrequentior usus: neque inter domesticas ea vestis fuit; sed inter militares potius & viatorias.

<sup>4</sup> *Præsidatum in Gallia regentem.*] Tuebatur præsidatu Aquitanos, ait Aurelius Victor.

## SALMASIUS.

<sup>3</sup> *Mater ejus Victoria sive Victorina.*] *Victoria sive Vitruvia.*

## GRUTERVS.

<sup>3</sup> *Mater ejus Victoria sive Victorina.*] Pal. tertio habet, *sive Vitruvia*; ut nullum relinquatur dubium, id vocis admittendum in contextum.

<sup>5</sup> *Ab Aureliano victus.*] Pal. abest illud *Principe*, quod sequebatur in vulgatis nomen *Aureliani*. itaque id delevi; tanto facilius, quod repetetur statim post.

## CASAVBONVS.

<sup>6</sup> *Cum militum suorum impudentiam & pro-*